

隨州志卷二

沿革

周初建國千八百見於春秋經傳者六十有五而隨稱爲大自秦漢而後爲郡爲州爲縣建置不一而隨之名歷久未易我

朝土宇一統隨仍爲州士食舊德農服先疇生斯地者當共慶安堵於億萬斯年也

隨於上古爲烈山氏

左傳昭公二十九年杜預注烈山氏神農世諸侯按烈

隨州志

卷二 沿革

四

山實厲山記曰厲山氏前漢地理志南陽郡隨縣注隨故厲國也皇甫謐曰厲山隨之厲鄉也

虞夏當荆豫之交

文獻通考隨州下光化鄉在東南三十里則荆州之域餘則豫州之域按周禮夏官職方氏豫州其浸波澁說文澁音詐澁水在漢南荆州

周爲隨侯國後屬楚最後入秦

隨姬姓周武王大封同姓四十人隨爵爲侯桓王十四年左傳楚武王侵隨杜預注隨國在義陽郡隨縣通鑑

赧王三十五年楚獻漢北上庸地胡省三注漢水以北  
宛葉樊鄧隨唐之地

附厲始封時代無考襄王七年始見春秋齊師曹師伐厲杜預注厲楚與國義陽隨縣東北有厲鄉

附唐始封時代無考定王十年始見左傳楚子使唐狡與蔡鳩居告唐惠侯杜預注唐屬楚小國義陽安昌縣東南有上唐縣

秦爲隨縣屬南陽郡

史記赧王四十三年秦并天下置三十六郡隨屬南陽

隨州志

卷二 沿革

五

漢爲隨縣仍屬南陽郡

後漢書隨縣下古隨國厲鄉在縣北

晉爲隨縣屬義陽郡後升隨爲郡

武帝太始中分置義陽郡屬郢州水經注分南陽之安昌平林平氏義陽四縣置義陽郡泰康中隨改隸焉按隨西有安昌縣境西南有蔡陽縣境北有義陽縣境東北有平林縣境平氏在義陽之北東漢光武改舂陵爲章陵魏改章陵爲安昌晉立義陽郡以安昌爲治所又晉書宗室傳泰康九年以義陽之平林一縣益邁爲隨

郡王

按桓石虔傳有隨郡太守夏侯澄之則改郡置守已在  
哀帝時但不知隨郡王邁何年國除

宋爲隨陽郡尋復改爲隨郡

元徽四年置隨陽郡度屬司州後列隨陽闕西二縣按  
太康志義陽郡有厥縣闕西卽晉闕縣順帝昇明二年  
改封南陽王翽爲隨郡王改隨陽郡當是改隨陽郡爲  
隨郡也

齊爲隨郡

隨州志

卷二 沿革

六

齊史有隨郡王蕭子隆武帝第八子也

梁置北隨郡後魏爲南陽郡

五代志改梁北隨郡爲南陽郡析置淮南郡

陳爲隨郡

五代志隨郡公司馬消難以所統之九州八鎮來求降  
封

後周爲隨州

隨升爲州自此始按五代志於此置曲陵郡又置北隨  
郡於厲鄉置上明郡於平林又置土州及東西二永甯

眞陽三郡又置厲城龍巢順義安貴橫山下澆等縣總之齊梁而後州郡滋繁南北僑置朝更暮改至難悉載茲撮其沿革之大者於此

### 隋置漢東郡

開皇三年廢諸郡以隋州領隋瀕西順州領厲城順義土州領眞陽唐州領下澆安貴橫山大業三年又廢諸州於瀕西縣置漢東郡

按隋文帝受封於隨及有天下以隨從走周齊奔走不遑故去走作隋

### 隨州志

#### 卷二 沿革

七

### 唐復改郡爲州隸山南東道

武德元年改郡爲州置山南道開元二十一年分山南爲二道隋隸山南東道天寶元年改漢東郡尋復稱隋州寶應元年改隸淮西節度使元和十年分山南東道爲唐隋鄧節度使十一年廢三州節度使隋隸彰義軍尋置唐隋鄧節度使徙治隋州十二年還隸山南東道按上唐鄉初屬棗陽貞觀十年以棗陽隸隨州開元二十六年以客戶眾多析棗陽地復置唐城縣

### 宋爲隨州隸京西南路

乾德五年置崇義軍太平興國元年改崇信軍紹興□  
革隸京西安撫京湖制置使四年以隨及唐鄧信陽並  
爲襄陽府路德祐元年四月入元  
元爲隨州屬黃州路

世祖至元十二年實宋恭帝德祐之元年元破大洪山  
卽黃仙洞爲治領隨應隸湖北道宣慰司尋改隸鄂州  
行省後屬黃州路二十九年正月改屬荆湖北道隸河  
南行省

明爲隨州屬德安府

隨州志

卷二 沿革

八

洪武元年降爲隨縣屬黃州府十三年五月復升爲州  
以應山屬隨還屬德安府隸湖廣布政司二十四年以  
德安府改屬河南未幾還屬

國朝定鼎隨州仍屬德安府

康熙三年分隸湖北布政司

附  
考證

考隨於周末未嘗屬韓文獻通考云隨州春秋隨侯國  
後屬韓其說非也按通鑑周赧王三十五年楚獻漢北  
上庸地胡三省注漢水以北宛葉樊鄧隨唐地是隨先

入楚後卽入秦中間無從復爲韓有通考蓋因史記徐廣注荊州南陽屬韓而誤不知韓之南陽至始皇十一年始獻於秦其地乃今泌陽唐縣諸處時隨唐地入秦已久

考平林有兩地水經注章水出土山南逕隋郡平林縣故城西俗謂之將陂城與新市縣接界故中興之兵有新市平林之號新市在今京山縣北土山章水俱在隨西南三十里外實去新市不遠爲漢平林地無疑但平林於漢不爲縣置縣自魏始晉仍之以隸義陽郡則其

地又不當在隨西南五代志上明平林縣下有漂水鸚鵡山今漂水鸚鵡在隨東北百餘里兩地相去遠甚而隨縣實界居其中不得合以爲一竊謂義陽郡之所屬在今隨境東北者爲魏所置之平林縣章水所逕在今隨境西南者爲漢之平林聚兩平林似不相因革惟酈氏言是隋郡平林縣故城則必宋齊之世亦嘗置縣隸隋郡而宋齊州郡志五代志俱無所見其建廢無可考矣

考隨之北境有古義陽縣地按義陽魏置本義鄉地山

海經淮水出餘山在朝陽東義鄉西是也有大義山水  
經注溲水出大義山南至厲鄉西賜水入焉水出大紫  
山分爲二水一水出義鄉西南入隨是也水經淮水逕  
義陽縣故城南東過江夏平春縣北注晉泰始中割南  
陽之安昌唐有古上鄉平林平氏柏卽桐縣義陽四縣置合此數  
說觀之則義陽一縣在平氏南上唐東卽今唐縣鎮地平春西  
厲鄉北實今州北之合河淮河店祝林總地其故城則  
在淮河店以上淮水之北桐柏縣東南境今人但知信  
陽州爲古義陽而不知信陽乃隋之義陽郡而非魏晉

隨州志

卷二 沿革

十

之義陽縣也太康志晉義陽郡下無平春縣宋始有平  
陽卽平春改名隋大業初始於此置郡而以魏縣置淮南郡  
順義縣於是義陽之名始專屬之平春矣

考隨境有兩瀦

集韻音闕

西縣一爲晉厥縣宋曰闕西後魏

爲瀦西西魏改下溲隋改唐城此一瀦西也在舊上唐

鄉地

今唐縣鎮

今隨西北九十里西魏旣改瀦西爲下溲又

析隨縣置瀦西郡瀦西縣在今隨北四十里此又一瀦  
西也隋開皇中復併入隋縣

考隨境有兩安化縣一爲齊縣西魏改爲新化隋曰光

化此一安化也齊置而魏改在今隋南三十里又順□  
安化縣西魏置隋開皇中改甯化大業中廢入順□□  
此又一安化也在今隨北二百里

考上唐縣水經注澗水東北逕上唐縣故城南本蔡陽  
之上唐鄉舊唐侯國五代志唐城縣下後魏曰瀲西西  
魏曰下澇隋開皇中改唐城是上唐卽瀲西地也而注  
於下文澇水又云南逕瀲西縣西是瀲西上唐又較然  
兩地矣當是晉宋以後曾置是縣而各志疏漏其沿革  
莫可見耳今卽澇澗二水以求其地澗水先逕上唐縣

南而後受澇水當在今隨西安居鎮西北瀲西卽今唐  
縣鎮也

考隨西境有隋時舂陵郡地西北唐縣鎮之爲古上唐  
鄉也以澇水所經而知之西南澗潭以西之爲清潭縣  
也以大洪山而知之於漢俱爲蔡陽縣地卽今棗陽縣